

GOOD FRIDAY (PAKAI THINI)

By. Rev. Seikholen.

PAKAI PATHEN NIN VANNOIJA MICHONSETE ATHOIDAM NI AHI.

1. Ama le ama chonset thoidamna thilto dingin akipe doh tai. Is 53: 10;
2. Chule ama kijep na chengsen eiho eidamsah tauve. Is 53: 5;
3. Aman eiho chonset jouse atahsa chung apon, thingleh geijin apodoh tan ahi. Hichu eiho chonset lama ithiua. Chonphat lama ihin na dingin ahi. Ama kijep na maha a chu nangho kibol damma nahi taove. 1. Pet 2: 24;

Sopite Pathen nin achapa Jesu a na thoi ahin, kumseh a Pakai thini naman ahile na kithoidam hitam ? Nadam hitam ? Phatah in kikholu hite.

Isaiah Themgao pan hitin hin aseije. Eihon ivetnom diuvin melhoi jong apupon deichat thei melhoi jong apupoi. Ama chu mehem ten notthap le donlouvin akoijun, gim genthei le hesohna dimset pa, mihemte vetngam louhella akoi pau, amapa notthap in akikoijin eihon jong amapa chu imachan igel pouve. Pathenin a engbol la adena bol gentheijin igel jouve. Eiho sukhel jeh in ama kimavon, eiho chonset jeh in ama akigep tan ahi. Ama kijep na chengsen eidamsah tauve ati. Is 53: 5;

1946 kumin kagangpa Lhagao chu thilhaten amanun sikhuh a ahen taovin ahi. Themgao pan vohpi kna thoi louvu le damdoh lou ding ahi atin vohpi khat agona gong melsetah khat kapouvin ahile Thempupa henga keiman Hepu hibang melse vohpi hi thilha hijongleo ipi ding atiding ham katile aman Pathenin athisan le alei, amuh ho athi, alungho bou adei ahi atin hiti chun kaga thoiyu le ahung dam tahbah tan ahi.

Hiche vohpi melsetah a ka gangpa adamtheija kona kageldoh chu Pakai jong amelset na vetngam louhella kibolla chun eidamsah u ahitai. Houbung lano 178 chang 3 na Iti lainat um hitam o. Iti vetlel um hitam o. Thingleh a akhaijun kelngoi nou, Gilkel le dangchah thoh in (athi) Hallelujah ati.

Keijong Pathenin achapa Jesu Christa a eithoidam kaki het phat in kaki pah behseh jengin la akisah pou pou le ka lamlam jengin kavahchoi chimthei poi.

Athu kasei jongle konta ni val val val kasei vangin ka chim theipoi.

Latah bu 12, Calvary lhang chung a Pakai chu , Cross chung a ling lukhuh le, Mipi ho nuisat dingin, Thingleh a akhaisangui. Aw ana ngeije ka Pakai thoh na chu, Akhut akeng alu veovin, Chonset jallin athisan thengtah chu alongdoh tai, Lungset umngeipa chu.

1. Athina hin eidamsah tai. Athina keidia hina. 2. Aling lukhuh chu keidia dama.
3. Amaija chil kiset chu keidia mai atna ahitai. 4. Khodung khovaija thisan kaipuma akikai lele jong chu

keija dia khodung khovaija thu kasei lele na ahitai. HALELUJAH !

Athinin leiset nin pojoulou va akithin na, Ling akiho chu van songpi ho bonin a Pakai thi pojou louva ake gamu ngaiton, nanglung chang keh joulou ham ? Na lungchang songbanga tah hijongle kesah jengin.

EASTER SUNDAY (THOKIT NI)

Mithi jouse kaithou pa Pakai Jesu ahi, Ahetna chu atho ni chun mithi long tamtah lhankhuh a konin ahung thouvun ,Khopi thenga alutnun, mi tamtah akimusah in ahi. Mt 27:53;

Hiche hi natahsan hinam ? Paul lin ama thilima ithiu ahile, ama thokit banga ithokit dingu ahi ati. Rom 6:5; Hitobang thusei hi na tahsan hinam ? Thokitna hinkho na nei hinam ? Paul lin athousa ihitaove tia asehi hi natahsan jou hinam ? Kingaiton !

Mikhat nin thudoh abol thu mizo thusoh a kisimdoh khat chu Scientist mikhat nin athoni chun mikhat nin Pilat henga ahilou leh Thempu chungnung ho henga kilah le kilom tah ahin, tun atahsan sasa Mary le seijui te hon athou tai atiu hi semthu thusim abange tia asehi chun Missionary pan adihtah nasei ahinai. Mihem te vetnin amaho chu milen milal ahiuvin jaum tah aseiju pai theilou ahiuve. Ahinla amaho chu Pathen mitmu in gucha michom (gunda ho) tobanga bou amu ahin, chule Pathen chun mihat mote, milhasam te, akona athahat asuhlah ding chu adei ahi, tin asehi peh e.

Hiche jeh chun Juda ten hiche semthu thusim hin inam pumpiu asuh lamvai ding ahi tin asumang dingin Rom te agoijun Thempu chungnung hole Phrases hon thagam ding tin Synaguo Council la thu atanun ahi. Hijeh chun Saul (Paul) kiti pan jong pan ahin la tan Stephen jong ahin that taovin abang songkula la ahenun abang athatnun ahi. Damascus Houbung ho sumang dingin Paul akon tai. Thempu ho phalna akiken tai. Hijongle Damascus khopama Pakai to akimuto tai. Pakai nang koi nahim atile niseh a nabolset jing Jesu chu kahi tin aseija konin amatah hi thokitna lamkai lenpenin ahung pangtai. HALELUJAH !

1. Apen ni Christmas nia nakipa bang bang chun,

2. Athini jongle kachonset khellin ahung thin, eihung huhhing ni ahi tin ngailu cheh u hite, Hiche bang chun thijongleh kaithouvin um tahih le,

3. Thokitna imu lou diu ahin, athokit hi aloupin akidange. Thina lhankhuh jouse akihongtan eiho jong Pathen chate a eikai thovu ahitai. Thokitna chang jouse anunnom ahitai. HALELUJAH Amen. Vannoi mihemte tahsan theilou pentah hi eiho dia niloupi pen kipana nikho loupi pen ahi. Kipah in vahchoijute. AMEN !

EDUCATION DEPARTMENT:

1. Pathen lungset na jallin kumthah 2016 imu kit taovin, Avella natoh ho pan kit theija ium muva kisa lel tah a Pathen lengama dia pan ilah kit thei tah jeh un kumthah eipui lhunguva Pathen chu thangvah na jouse ipeove. Tolbol lha a pat Lhakao sung chan gei na kitoh na achom lamin kahin pei.

28 JAN – 2 FEB 2016 SUNDAY SCHOOL TEACHERS TRAINING SAREIKHONG.

28 Jan – 2 Feb 2016 sungin Kuki Baptist Convention Manipur, Christian Litelature & Publication, ho lamkai na noijin Sunday School Teachers Training Baptist Church Sareikhong muna Kuki Baptist Association Education Department na konin mi 25 aga kijao vin ahi. Kuki Baptist Convention Manipur KBA ten phatsot thim tah hi Sunday School Department nah in

na ahin kitongkhom tan, hijongle Sunday school Teachers Training nga hitobanghin ana kimang khom khapon ahi. Tuchung hiche training nga aga kijao hi KBA a kona ache jousen jong phatchom na lentah akineijin, chubanin KBC Manipur lamkai cheng jong akipah uvin kipa thu nasa tah in asejuvin, ache ho dingin kipa le lunglet aum chome.

Kuki Baptist Convention Manipur lin KBA Nagaland hi angailu mong monguve ti jong kama sei keo hilouvin ana toh un jong eimusah un, acheho mi 25 ho Mess fee jong eingaidamun ahi. Hijeh chun Pu Haoneo Haokip Secretary Literature & Publication le atohkhompi ho chungin sangtah in kipa thu akiseije. Chule Baptist Church Sareikhong Houbung miten jong gelkhoh na lentah eineijun lupna gena kitup tah in eipeovin gamdap ahin tuilum/ meiphu akingaichat dungjuijin eipe jingun genthei louhellin eikoijun hijeh chun sangtah in kipa thu akiseije.

3rd NBCC SUNDAY SCHOOL TEACHERS TRIENNIAL REPORT.

2. 15 – 18 Feb 2016 sungin NBCC Education Department tohgon na noijin Sumi Baptist Church Diphupar muna 3rd NBCC Sunday School Teachers Triennial umin KBA a konin mi 7 aga kijaovin ahi. 16 feb 2016 nin Inaugural Function nin jatvon kivonin pan akilan ahi. 17 feb 2016 nin workshop ahin, Topic ho hichenghi ahi.

- | | | |
|----------------------|---------------------------------|--------------------------------------|
| 1. Kingdom building | 2. Special Children | 3. Information technology & Children |
| 4. Engaging Parents` | 5. Discipleship | 6. Kids worship |
| 7. Sports Ministry | 8. Heart of the Leader/Nurture. | |

KBA delegates ho jong class jouse a jao na thei chanin akijaovin ahi. Association jatna delegates chu mi 1000 val ahi. KBA akona jong achedoh thei mi kilhom jongle aga kijaovinpan na ding dol jousea pan aga kilan ahi. Adeh a Houbung mite kahetsah nom chu tu a hi iki loikhompi NBCC a Education Department hin nasa tah a chapang Sunday school agelkhoh a pan alah laijuva hi eihon jong hatah a pan la a malama ilhai diuvin iki temuve. Association ho jousen jong pan hatah a alah dingin tohgon lenpen ahi. Hijeh a chu eiho jong tohgon kinei ho le NBCC a kona tohding chena ding kigong hohi nasah moa gel lou ding iki temuve.

BIBLE QUESTION: Adonbut jousen aphatcha office lhung ding hin thot cheh un:

1. Jethro kiti pa hi koiham ?
2. Jordan vadunga tuilah a sagivei kiphum chu koiham ?
3. Jonah Pathen thuseija ache masah na chu koi kho ham ?
4. Joseph jah a Egypt gampum pia semanga katun nahi tipa chu koiham ?
5. Jeremiah henga Pakai thusei ahung lhun petna Lengpa chu koi ham ?
6. Jona chu ngapi iosunga ni ijat jan ijat gatham ham ?
7. Jesu cross chung a thusei anukhah pen chu ipi ham ? chule abung aching jong sunin.
8. Jews mi Persia lengpan akicehnpa chu koi ham ?

9. Jesse Chanute min ipi pi ham ?

10. Joshua in jachat tah a ana koi chu Leng ijat ham ?

KBA thusoh a hi Bible question hin kibol jing ding ahin, kumlung keija donbut jing hole kumbul la kona nabolnao mark hin kigoma kumlung teng asangpen ho kipaman kipe ding ahi. Hijeh chun abol jousen donbut na lekha chu office a lung tei tei ding office staff ho khut na aphot chan hin pelut cheh un.

TAO PEH DINGLE HETDIA KHOH HO:

1. 33rd Kuki Baptist Association khompi chu Kuki Baptist Sirhima a achesa Nisim 21-24 Tolbol 2016 sung chun lolhing tah in ana kimang chaitan ahi. Akhoni Houbung mite hapan na jalla khompi lolhing tah a kimang thei ahijeh in thale jung, lungel ngaito na, to le tham ma nasa tah a kisa lel Sirhima Houbung mite chung a kipa thu sangtah akiphongin amaho jallin Pathen thangvah na akipei, Hitobanga tohgon ho lolhing tah a ijo thei jeh uvin Pathen koma kipa thu seiju hite.

2. KBA Centre Khaibung muna tua hi Quarter repairing le kitchen sah dia kisei chu natoh akibol laitah ahijeh in phate cha jo ahina din taona in geldoh u hite.

3. Ahthibung Branch Centre muna Yettrang Academy in kisah jing ahin, phate cha insah akijo na dingle chapang ho dia themjilna mun hondia tohgon hophate cha iboldoh thei tei tei na dingun taojingute. Hichea kisa lel Mr. Palal Misao Dev Secy pa le Property committee ho jong taopeh jingute.

4. Priscilla Centre Guwahati hotoh Tailoring training bol ding tohgon phate cha akibol doh theina din taona in geldoh ute.

5. NBCC Youth Delagate khompi KBAYD ten Ahthibung muna Host abol diu ahin, natoh thilgon ho phate cha amachal jing na diuvin, COLA Team ho le KBAYD lamkai ho, Houbung tina BYE jouse le, KBA Lamkai ho taona in geldoh jingute.

6. KBA Houbung ho 2016 kuma hi kumdang a sanga Houbung sung Lhagao lama amachal na dingle Lhagao mangthah holdoh na dia pan lah na lama amachal na dingin taona in geldoh uhite.

7. Evan. Ngulkhochon Khongsai tulai Houbung ho vilna program office a kona kitem peh dungjuja KBA Houbung ho avil lai ahin phate cha akimanchah theina dingin taopeh jingute.

8. KBA Houbung Lhagao mangthah holdoh na dinga panla ho ahapan cheh cheh theina diuvin taopeh jingute. Chule Missionary vah loulai honjong 2016 kuma pan ahin lah theina diuvin taopeh ute. KBA Houbung ho aboncha missionary soldoh Houbung ahitheina din kiha bollu hite.

9. 20. March Palm Sunday . 25. March Good Friday. 27. March Easter Sunday Houbung jousen phate cha iman cheh theina diu le hiche a thuseija pang dingho jouse Pathen henga taona in geldoh ute.

REPORT

KUKI BAPTIST CHURCH SIRHIMA NUTE CAMP 18 – 21. Feb 2016.

Pathen mingailut na jallin Sirhima Nute camp Rev Lettinlal Chongloi Pastor KBC Sirhima Pastor pan a Houbung mite, akelngoi te khohsah na jallin pan nasatah in alan Speaker jong ama tah ahin, Camp Director jong Mr.Thangkai Manlun Deacon KBC Sirhima Amani tah kithokhomin, Pathen panpi na jallin Nute camp chu lolhing tah in akibol chaitai. Chung Pathen chu sangtah in thangvah in um taken. Camper mi 80 ahin, Abonun Pathen houlimpina aching un ahi. Achaina nilhah in nuten kap le mitlhi longin achesa a insunga ana bolkhel hou Pathen henga ngaidam thumin tua patna insunga Pathen to pangkhom ma Christian insung sem pan tadin testimony ho aseijun Houbung sunga kipana vangil athonge. Loupina Pathen chang taken. Tumasang chun Pate camp ana kibol lin hiche camp ma ana penthah pate hon ajiteu khohsah na in pan alaovin, bule me ahonun, hiche nithum sunga hin ima jouse aboi umlouvin kitup tah in camp chu ana kibol lin ahi. Pate thanom tah a bule me ahonuva pan alah u jonghin camp ma pang nute atilkhoh l'heh in ahi.

Tubana nute jong amachal theina na dingun KBA Houbung jousen taona in hin panhu jingun tia kahin ngeh nah lai ahi.

Mr.Thangkai Manlun

Deacon KBC Sirhima.

DORCAS AWGIN:

Tuni phatna gamsung nute koma kahin seinomu chu Dorcas Training Centre la umho taona keo hilouva thilpeh to thoa pan nahin lah jing jeh un, boina hahsat val um louvin tuni chanin keiho jong maban kachal jingun ,hijeh chun tuni chana taona le thilpeh a pan lajing KBA nute jouse chungu kipa thu kahin phonge. Tukum sunga Dorcas a panpina kimu ho aban neichan kahin tah langin akisun khel aum le neihin hetsah diuvin ngaidam kahin thume.

1. 15.1.16 – Nu Nengphal V/President KBAWD akonin Rs. 200/- akimui.
2. 12.2.16 - Songlhuh Women Society akonin Anchang le malcha, meding akimui.
3. 12.2.16 – Lhainei Medziphema steelwood soap 2.
4. 18.2.16 – Pa Lamhen Saijang Rs.100/-
5. 18.2.16 – Pa Ngullen Saijang Rs. 100/-

Dated 4 March 16 Hiche nihin Sinjol Women Society ten Dorcas te vilna eihung neijun ahi. Taopeh na le thilpeh tampi eineijun hijeh chun Sinjol nute chunga Dorcas a um hon sangtah in achunguva kipa thu kahin seijuve. Ngailut thilpeh einei hou.

1. Dal 1 kg
 2. Chi 3 kgs
 3. Ankam thao theikhat
 4. Sabon ponsopna 4 le ksilna sabon 5.
 5. Peas 1 kg malcha phabep.
 6. Alu 5 kg
 7. Ahtui plate khat
 8. Anchang , Bal,
 9. Chini 2 kg, chado 100 grm, Bongnoi kg keh, kangkal 4.
- Kipah thu kaseijuto lhonin Pathenin na thilpha bol dungjuijun phatthei naboh cheh taohen.

aneijin chujouvin kimanchah dingdollin Lamkai hon ama ama panmun dingdol cheh akilo in kaikhom akichal lhatan ahi. Thupi sein Rev.H.Minlien Singson ahin, Thupi Peovin chutile nakipe dinga ahi. Lk 6: 38. Mangchan mipite tilkhouna aneijin ahi.

23. Jan 2016, Devotion Mr.Palal Misao vin alan,chujouvin Vai kaikhom ahin, L/ Pastor Lamkhogin Vaiphei jin amangin Thupi sein anei kitnin ahi. Sun nin Celebration of Christianity akimangin Houbung nga a konin vetlhahna akineijin ahi.Hiche chun mipi lungthim nasa tah in atongkhan ahi. Nilhah kaikhomna akineijin Thupi sein Rev.H.Minlien Singson in amang kitnin ahi.

24 Jan 2016 Devotion Ms.Neichong in alan ahi. Chujouvin vai kaikhom akineijin Rev.Lettinlal Chongloi jin Thupi sein aneijin aman KBA gamsunga khangdong ho Missionary adingin chouna aneijin ahi.Hiche Missionary challenge kibol na ahin sum le pai tilou Pathen lengama vaikon dingin khangdong mi 20 in Pathen na kilhandoh na aneijun ahi Pathen chu thangvah in um hen. Chule hiche jingkah in natong thah kila Mr.Ngulchon Evangelist le Ms.Neishi Women Secy thah nu Installation akibol lhonin ahi. Sunin kihilna jat chom chom akineijin Kihilna hole mihil ho:

1. Tulai Christian insunga Mission natoh dingdan : Rev Helen Singsit FMPM Shillong in minu le mipa te hilna aneijin mipi lungthim nasa tah in atildoh in ahi.

2. Tulai Khangthah ten Pathen deija iti hinkho aman dingham : Mr.Tongpu Singson Pastor KBC Kohima in amangin khangdong ten nasa tah in aphot chompi in ahi.

Nilhah kaikhom mipin thanom tah in akimang khomin Pathen Lhagao puihoi na jallin boina ima umlou vin khompi program chu lolhing tah in akimang chai tan ahi.

Tuchung khompi la a KBC Sirhima Houbung mite kithuto chun achekhom mipi te nasa tah in atilkhovun, Hall in kisah dan, Lamkai te ajennau le nungah gollhang ho kitup dan mipi ahung jousen akipapi in ahi.Adeh in COLA Committee ho vaihom them chun natong dangho jouse

boilouva ama ama mopoh na cheh a pan alah theiju ahin COLA committee ho chungle Sirhima Houbung mite jouse chung a kipa thu sang tah in akiseije. Pathen nin Houbung mite jouse phatthei boh taken.

Judge a pangho tuchung khompi chu jatchom beha kibolla kitet guna phat umlouva hou in kai jatna La kitet na kisa ahin, Ave dia kinganse hon gunchu tah a kaikhom seha kitetna la kisa eivetpeh nao chungin achunguva seijou lou kipana akiphonge . Hitobang a manthei khangdong inei jeh un amaho jallin Pathen akithang vahe.

Phat mun kipe jousen jong ama panmun lam cheh in thanom tah pan ahin la cheh un hiche chun eilohin sah u ahijeh in panmun lajouse chung a kipa thuphon akineije.

Tuchung hon la kitet na a hungpang Houbung ho jouse chung a Program committee hon kipa akiseijin, mijouse kipaman a kipe nomin hijongle thep kitetna ahijeh a kipe thei pon hijongle na gunchu nao Pathen nin phatthei naboh cheh tao hen. KIPAMAN SANGHO:

Houbung lano 88. PAKAI KHOPI HUI ANUNGE .

1 st - KBC Medziphema	- 81.4 points
2 nd - KBC Khaibung	- 78.9 “
3 rd - KBC Chumukedima	- 77, “

Houbung umchan phapen KBC Songlhu. Akilheng doh in kipaman akisan taove.

Centre la pehdngdol pehoipen KBC Khaibung Houbung ahin, Kipaman akisanuve.

Celebration of Christianity kitet na a athempen le aphapen nin KBC Chumukedima akilhengdoh in amahon kipaman akisan taove.